

丑知縣李昌始易土城以石為趾而壘之以甃拓其舊而大之周遭廣七里高二丈五尺厚丈有五尺為堞千四百有一望樓三十有五門四東曰朝陽南曰迎薰西曰望月北曰拱辰環城濬濠周延八里廣三丈有奇深半之四門跨以石橋邑人王相記之嘉靖三十三年甲寅知縣錢鑄修四門樓櫓萬歷二十八年庚子知縣李養正至任修繕城池四十年壬子知縣施堯化重修崇禎十四年辛巳城毀於寇十五年壬午知縣朱蘊鑲修南北城門南更名文德北更名迎恩旋復兵燹

光山縣志

卷之九

城也

二

國朝順治二年以後知縣鄭宏圖饒崇秩相繼修葺九年壬辰知縣陳洪柱繼修十四年丁酉知縣管聲駿又修之康熙三年甲辰知縣王起岱至任修西門城樓七年戊申夏大雨蛟出水決城知縣楊先春修葺九年庚戌知縣朱鼎振至任修東北二門城樓二十七年戊辰霽雨城復圯知縣劉懋藻重修三十八年己卯知縣王介於西城門增外牆為子城門西南向題曰碧恒五十年壬辰知縣高卿重修雍正七年己酉知縣黃曾又修更西城門名曰秋成乾隆十四年己巳連雨城圯五十